

Pagpasidungog kay Kaupod Julius Giron

Komiteng nga Tagapagpatuman
Komite Sentral
Partido Komunista ng Pilipinas

Sa tabon sang kadulom antes magkaagahon sang Marso 13 ginsalakay kag ginpatay sang mga berdugo nga gaway sang pasista nga estado si Kaupod Julius Giron kag 2 pa ka kaupod sa Baguio City.

Si Kaupod Julius nagapaayo sa malala nga balatian nga *acute pancreatitis* nga nagdunggo sa iya sadtong Hulyo 2019, nagsamad sa iya nga batu-bato kag napwersa siya nga magpasyudad agud magpabalung. Ang pagpatay sa iya nga wala sang kunsiderasyon isa naman ka kaso sang *extrajudicial execution*, pangpulitika nga pagpatay, pagpatay sa *hors de combat* nga lapas sa mga internasyunal nga makatawo nga layi, kag kabahin sang madugon nga kampanya sang pagpamatay sang pasista nga rehimeng Duterte kag AFP-PNP sa mga rebolusyonaryo kag iban pa nga nagabato.

Si Kaupod Julius nga mas kilala sa rebolusyonaryo nga kubay bilang Kaupod Alban, Amian, Nars, Kiko



nagaedad sang 69 tuig. Nagapangasubo ang Partido, Bagong Hukbong Bayan, mga alyado nga organisasyon sang National Democratic Front of the Philippines kag ang rebolusyonaryo nga masa. Ginapamalandungan man naton ang kaupod nga duktor kag kabulig nga gindalahig sa wala kaluoy nga pagpatay.

Mabaskog nga ginakundenar sang Partido Komunista sang Pilipinas ang pasista nga kapintas, pagpang-abuso kag arogansya sang uhaw-sa-dugo nga papet nga rehimeng Duterte kag mersenaryo nga AFP-PNP. Pataratas nga ginalapakan nila ang kaugalingon nila nga mga layi, ang internasyunal nga mga talaksan kag makatawo nga layi, amo man ang kasugtanan nga CARHRIHL nga

pirmado sang GPH kag NDFP dala sang nagasalimuang nga ambisyon nga sulayan ang papet nga estado kag lumuson sa dugo ang mga naga-handum sang pundamental nga pagbag-o sang katilingban.

Indi tubtub san-o mapatuman ang ila malaut nga handum. Ang mga pasista nga kapintas kag pagpamigos labi lang nga nagapaindakal sa kaakig kag pagbato sang mga pigos kag ulipon. Sa kada Kaupod Alban nga ila ginapatay, madamo nga linibo pa nga anak sang banwa ang nagakapukaw kag nagatindog agud padayunon ang pagbato tubtub malutos ang pagginahum sang mga pasista, papet kag reaksyunaryo.

Nagakasubo kita bangud daku nga pagkadula ni Kaupod Alban sa

Partido kag rebolusyon. Kadungan man, ginahatagan pasidungog naton siya bangud sa mga dalayawon nga nahimuan sa malawig kag sinsero nga pag-alagad sa proletaryado kag pumuluyo. Ginapasidunggan naton siya bilang modelo nga komunista nga lider, kadre kag hangaway nga nagtungod sang yabi nga papel sa pagpasulong sang kahublagan kag pagpangibabaw sang Partido sa mga mapiot nga kahimtangan. Bangud sa iya bulawanon nga rekord, ginpili siya sang Ikaduha nga Kongreso sang Partido bilang isa sa mga ikaduha nga tagapangulo kag myembro sang Komite Sentral, Kawanihan Pangpunitika kag Komite nga Tagapagpatuman sang Komite Sentral.

Si Kaupod Ablan maayo nga lider sang Cordillera kag naaminhang Luzon. Siya may dugo nga Igorot kag nagtum-ok sang daku nga bahin sang iya rebolusyonaryo nga pagtuon kag praktika sa halambalanon kag paghimakas sang minorya nga pumuluyo. Gingamit niya nga ubay ang Marxista-Leninista nga teorya kag linya sang Partido sa halambalanon pungsodnon, demokratiko nga rebolusyon sang banwa, kag malawigan nga inaway banwa sa pagpanayasat kag paghangup sa mga partikular nga kinaiya kag kinahanglanon sang katilingban kag rebolusyon sa Cordillera. Ginhatagan niya sang partikular nga atensyon ang mga leksyon nga ginkuha

sang Partido halin sa mga inagihan sa temprano nga halintang sang pagpakig-away gerilya kag pagbato sa pasista nga diktaduryang US-Marcos kag ang pagsapraktika sang mga ini sa pag-athag sang linya nga integradong pagpasulong sang demokrati-ko nga rebolusyon sang banwa kag paghimakas para sa pagtindog-sakaugalingon sang minorya nga pumuluyo sa Cordillera. Sa sini, nalab-ot sang kahublagan sa rehiyon ang wala pa sang tupong nga kalapad, kusog kag pagpamuno sa pumuluyo nga Cordillera kag ang paghimakas nga Cordillera nangin tampok nga pwersa sa paghimakas sang mga pungsodnon nga minorya, paghimakas nga anti-diktadurya kag bilog nga paghimakas nga pungsodnon demokratiko.

Lakip si Kaupod Alban sa makagagahum nga hangaway sang aktibista nga ginbun-ag sang Una nga Bagyo sang 1970 nga nagpalapnag sang kahublagan propaganda sa bilog nga pungsod kag nagsabwag sang binhi sang armado nga paghimakas sa nagkalainlain nga rehiyon. Pareho sang linibo nga iban pa nga pamatan-on-estudyante, gilayon siya nga nagbalik sa rehiyon nga gintawhan agud ipalapnag ang propaganda nga pungsodnon demokratiko, magtukod sang mga tsapter sang Kabataang Makabayan kag iban pa nga progresibo nga organisasyong masa, kag mag-umpisa sang pultaym nga hilikuton propaganda, pagorganisa kag pagpahalag sa kubay sang masang anakbalhas kag iban pa nga demokratiko nga sahi sa kasyudaran kag kaumhan. Sang marekrut sa Partido sadtong 1971, nagtindog siya nga sekretaryo sang Komite sang Partido sa Syudad sang Baguio kag Direktor sang Rehiyunal nga Kawanihan sa Unyon sang Mamumugon.

Umpisa 1973 nagkonsentrar siya sa paghimakas sa kaumhan. Nangin sekretaryo siya sang Sanga sang Partido sa Platun sang BHB sa Montanosa (Ifugao-Benguet-Mountain Province) kag Upisyal Pangpunitika sang Platun. Nangin myembro siya sang Komiteng Tagapagpatuman

sang Partido sa Rehiyon sang IMP kag lakip sa mga nagapanguna sa pagpalapad sang sonang gerilya, pagorganisa sang mga minorya nga Cordillera, pagtukod sang mga armado nga yunit pangpropaganda sang hangaway sang banwa kag pagumpisa sang pagpakig-away gerilya.

Sang 1974 nadakup siya kag mapintas nga gintortyur sang mga tortyurer sang pasistang diktadurya. Sa atubang sang grabe nga pagpantus kag peligro, wala gid nalingkang ang iya panindugan kag katampad sa Partido kag mga rebolusyonaryo nga prinsipyo. Wala gid siya sang pagpangduha-duha sa iya komitment sa rebolusyon kag pumuluyo. Sa pila ka tuig nga pagkabilanggo, nangin isa siya ka pangunahon nga lider sang mga bilanggo punitikal nga maisog nga nagpadayon sa pagbato, nagtransporma sang mga preso padulong sa eskwelahan, pandayan kag sentro sang protesta kag paghimakas.

Sang makapalagyo siya sadtong 1979, gilayon nga nagbalik sa kaumhan, kag direkta nga nagpasakup sa kumprehensibo nga pagsulong kag pagbaskog sang paghimakas nga Cordillera. Ginpamunuan niya ang Komite nga Prubinsyal sang Kalinga sadtong naglab-ot sa kainitan sang armado kag di-armado nga pagbato sa mapandambong nga proyekto nga Chico Dam sang pasistang diktadurya. Nangin myembro siya sang Komite nga Tagapagpatuman sang Komiteng Rehiyon sang IMP (Ilocos-Montanosa-Pangasinan) kag myembro sang Komision sa Naaminhang Luzon.

Ang apat ka distrito-kadaku nga prenteng gerilya sa Cordillera, nga may tig-isa ka platun-kadaku nga armado nga yunit propaganda, mapagsik nga naglapad sang pabaludbalod sa bulig kag duso sang makagagahum nga pagsulog sang mga protesta kag pangmasang paghimakas batuk sa Chico Dam, Cellophil kag pungsodnon nga pagpamigos, kag batuk sa pasistang diktadurya. Nasakup sang armadong paghimakas ang tanan nga prubinsya, nagalap-



Espesyal nga Isyu | Marso 30, 2020

 [instagram.com/prwc.official](https://www.instagram.com/prwc.official)
 [@prwc_info](https://twitter.com/prwc_info)
 [fb.com/cppinfo](https://www.facebook.com/cppinfo)
 cppinformationbureau@gmail.com

Ang *Ang Bayan* ay inilalathala dalawang beses bawat buwan ng Komite Sentral ng Partido Komunista ng Pilipinas

nag kag nagsunson ang mga taktikal nga opensiba sang hangaway sang banwa, nagdasig ang pagtukod sang mga bag-o nga platon kag iskwad bunga sang pagdamo sang armas halin sa mga taktikal nga opensiba. Naglapad kag nagbaskog ang mga organisasyong masa, ang mga antipudal nga paghimakas, pag-organisa kag paghulag batuk sa pungsodnon nga pagpamigos kag ang iban pa nga tipo sang kampanya kag pangmasang paghimakas, kag ang pagtukod sang mga lokal nga organo sang gahum pangpulitika. Sa nagkalinlain nga sakup kag lebel, naglapad kag nagbaskog ang mga rebolusyonaryo kag progresibo nga pwersa kag paghimakas paagi sa matinugahon kag mada-muan-nga-bahin nga kumbinasyon sang mga armado kag di-armado, ilegal, malaligal kag ligal nga mga porma sang organisasyon kag paghimakas. Gintukod ang Cordillera People's Democratic Front bilang kumprehensibo nga rebolusyonaryo nga nagahiliusa nga prente sang pumuluyo nga minorya para sa pungsodnon nga demokrasya kag kinamatarung sa pagdesisyon-sa-kaugalingon.

Sa ika-9 nga Plenum sang Komite Sentral napilian si Kaupod Alban bilang regular nga katapu sang Komite Sentral. Nangin sekretaryo siya sang Komiteng Rehiyon sang Cordillera sadtong 1986 kag ikaduha nga tagapangulo sang Komisyon sa Naaminhang Luzon sadtong 1987. Ginpamunuan niya ang pagbato sa pagpangtungang sang Hubon Balweg-Molina-Ortega kag ila nga kampanya nga magsulsol sang kontra-rebolusyonaryo nga lokalismo sa kubay sang masa nga minorya batuk sa Partido, BHB, CPDF kag mga elemento nga halin sa patag. Pagkatapos nga magsipak sa Partido kag hangaway, madasig nga nabuyagyag sang hubon ang bangkrap nila nga linya kag kinaiya sang magsurender sa reaksyonaryo nga gubyerno kag nangin mga

bayaran nga paramilitar sang AFP.

Sa ika-10 Plenum sang Komite Sentral nanindugan si Kaupod Alban para sa mga basehan nga rebolusyonaryo nga prinsipyo sang Partido kag Ikaduha nga Dungganon nga Kahublagan Panadlong, kontra sa rebisyonismo, Wala kag Tuo nga oportunismo, kag iban pa nga malala nga paglihis. Napili siya nga katapu sang Kawanihan Pangpulitika kag Komisyon Militar samtang nagatungod sang hilikuton bilang tagapangulo sang Komisyon sa Naaminhang Luzon. Ginpamunuan niya ang mga organisasyon sang Partido sa naaminhang Luzon sa lubos nga pagsaway kag pagtadlong sa malubha nga kakulangan kag kahi-naan kag sa mabudlay nga pagpanibag-o sang kusog halin sa daku nga kahalitan kag pag-atras samtang nagapangapin kontra sa todo nga gera sang papet nga rehimeng Ramos kag todo nga pagpanabotahe kag pagsipak sang mga kontra-rebolusyonaryo nga traidor nga nakalusot sa pamunuan sang Partido, hukbo kag NDFP. Napaslawan ang mga atake halin sa gwa kag sa sulod nga nagatuyo nga lubos nga waskon ang Partido kag rebolusyon. Nakapanibag-o sang kapagsik ang Partido kag mga rebolusyonaryo nga pwersa bisan padayon tubtub subong ang pagbawi sa daan nga sakup kag kusog.

Sa ika-11 Plenum sang Komite Sentral napili siya nga katapu sang Komite nga Tagapagpatuman sang Komite Sentral kag nagtungod sang importante nga hilikuton sa pungsodnon nga pagpamuno. Sa katungdanan nga ini ginpamunuan niya ang pagsiguro sa kaluwasan kag liwat nga pagtipon sang mga sentral nga organo sang Partido sang mapuruhan sang atake sang kaaway. Labaw pa, nagtungod siya sang nagapanguna ng papel sa koordinasyon, paghanda kag paghiwat sang Ikaduha nga Kongreso sang Partido nga labi nga nagpalig-on sa paghi-

liusa kag panindugan sang Partido sa mga basehan nga rebolusyonaryo nga prinsipyo kag sa pangkabilugan nga linya sang demokratiko nga rebolusyon sang banwa paagi sa malawigan nga inaway banwa. Ginkilala sang Ikaduha nga Kongreso sang Partido kag ginhatagan sang labi pa nga pagtulod ang pagpawag kag promosyon sang daku nga numero sang mga bataon nga kadre kag nagahinurusang sa nagkalinlain nga sakup kag patag sang paghimakas. Labi nga ginpalig-on sini ang Partido para sa pagpursiger sa dalan sang armado nga rebolusyon sa atubang sang *total war* sang pasista, papet kag reaksyonaryo nga rehimeng US-Duterte kag maisog nga pagwagayway sang pulang bandera sang proletaryo nga rebolusyon sa panahon sang transisyon pakadto sa panibag-o nga kusog sang pangkalibutanon nga rebolusyon nga sosyalista.

Sa panahon sang mga grabe nga pagtilaw, ginpamatud-an ni Kaupod Alban ang iya nga lubos nga katampad kag dedikasyon sa Partido kag rebolusyon. Sa mga dalagku nga halambalanon muklat pirme nga ginahatagan sang pinakamataas nga pagpasulabi ang mga rebolusyonaryo nga prinsipyo, ang pagsalig kag pagpakighiliusa sa malapad nga masa, ang pagsakdag sa pagpamuno kag paghiliusa sang Partido, kag ang optimismo sa masanag nga buasdamlag para sa rebolusyon kag pumuluyo. Tubtub sa malala niya nga ginabat-yag, ang pirme nga nagapanguna sa isip niya ang madasig nga pagbalik sa hilikuton kag pag-amot sa paghimakas sang sahi kag banwa.

Nadula man sa aton si Kaupod Alban, dungganon ang iya nga ginpanubli nga halimbawa kag mga leksyon. Palanggaon naton ang iya nga handumanan kag malig-on nga sundon ang iya nga proletaryo nga rebolusyonaryo nga dalan. AB

Mabuhi si Kaupod Alban!

Mabuhi ang Partido!

Mabuhi ang demokratiko nga rebolusyon sang banwa!